

奩

史

奩史卷六十六

東吳王初桐于陽

陽

長沙劉李之少白校刊

冠帶門二

帶

古者婦人長帶結者名曰綢繆垂者名曰襪襦結而可解曰紐結而不可解曰締

升菴外集

宋玉東家女因玉見棄誓不他適膏沐不施恒以帛帶交結胸前後撮織作以自給後人放之富家至以珠玉寶花飾錦繡流蕙帶束之以增妖冶

下帷短屨

宋韓憑妻爲康王所奪自投臺下死於帶中得烏鵲

歌曰南山有烏北山張羅烏自高飛羅當奈何又曰

烏鵲雙飛不樂鳳凰妾是庶人不樂宋王

彤管集

魏武帝賜宮人金隱起師子鎡腰帶

中華古今注

扶南婦人悉着鈎絡帶

吳時外國傳

皇太子納妃有織成袞帶

東宮舊事

自公主封君以上皆帶綬以綵組爲緹帶

晉書

石虎皇后女騎一千人腰中皆著金環叅鏤帶

鄴中記

荀奉倩將別其妻曹洪女割蓮枝帶以相贈後人分

釵卽此意

女紅餘志

九華安真如腰纏綺繡帶右帶係鈴左帶玉佩

真誥

中央黃老君授夫人虎帶

南岳夫人傳

唐暄娶張氏病卒暄感而賦詩一夕聞暗中若泣聲  
初遠漸近暄曰倘是十娘子之靈何惜一相見俄命  
燈燭立階階之北暄趨前執手叙生平甚悉妻遂裂  
帶題詩至天明而沒

大唐奇事

季女贈賢夫以素絲鎖蓮之帶製極精巧

柳娘記

婦人帶用前雙垂至下齊

金史輿服志

安南國進皇后方物狀有真金垂帶四條

天南行記

皇后貴妃大帶以青加革帶

宋會要

皇后大帶表裡俱青紅相半純紅下垂織金雲龍文

上朱緣下綠緣 明史

皇后大帶朱裏紕其外上朱錦下綠錦 春明夢餘錄

命婦大帶皆隨衣色 明會典

皇后有青綺副帶一 明史

皇后常服之帶用金玉皇妃皇太子妃用金玉犀 明史

命婦一品玉帶二品犀帶 明會典

皇后玉革帶青綺鞞描金雲龍文 明史

皇后玉革帶有玉事件十金事件四 明史

周漢國公主房奩有金革帶一條 前漢宮禁典儀

命婦三品金革帶五品以下烏角帶

明會典

命婦革帶用玉犀金烏角不等

春明夢餘錄

宮人金束帶

春明夢餘錄

提調女樂鍍金花帶樂女生塗金束帶

明會典

民間婦人帶用藍絹布

明會典

士庶家婦人不許束銀帶

崇儉書

李沆有世僕通金遁去有女將十歲美姿格自寫一

券繫于帶願賣以償沆惻然囑夫人如已女育之及

笄具奩幣嫁之

儆告

與賈禹鈞事同

鄰女有自經者其所懸之帶以潤州朱絲數百條長

九尺許爲十股細辨手自盤製逾月甫成同伴以爲纏腰物也而不知其用意如此 疑雨集

嚴續請韓熙載爲父撰神道碑以一姬爲潤筆及文成而續嫌之令其改寫熙載卽以歌姬還之姬登車

書一絕於泥金雙帶云風柳搖搖無定枝陽臺雲雨

夢中歸他年蓬島音塵斷留取尊前舊舞衣 稗史彙編

羅漢苗婦人繫雙帶結於背 貴州通志

蠻女不關帶狀如經帶不關班也 溪蠻叢笑

木魯烏素番婦著褚巴繫碑礫帶 衛藏圖識

梁武帝子夜歌繡帶合歡結 梁武帝集

吳均詩帶減蓮枝繡杼亂鳳凰簪

吳朝蕭集

白居易詩帶纈紫蒲萄

白香山詩集

王建宮詞粟金腰帶象牙錐

十家宮詞

王珪宮詞粟金腰帶小牌方

王歧公詩集

王憚段七娘詩春箋封葢羅帶綰芍藥

本事詩

朱敦儒詞輕紅寫遍鴛鴦帶

樵歌

維林方言女子勒帛曰實帶

維林類事

金陵妓朱斗兒號素娥嘗托所歡買束腰其人以書問尺寸斗兒荅之云旣許紅綾束何須問短長纖腰君抱過尺寸自思量

靜志居詩話



女子束腰之帶俗呼爲鶯絲 閨情偶寄

有母女朝禮元帝中途舟漏借宿人家夫見女姿授計于妻僞言夫宿別處令母獨卧婦共女一床夜半夫潛歸姦之羞不敢白母次早謝去進香畢女見迴廊遺一大紅汗巾母口可以報取授之家舟過其家酬之婦曰昨女愛汝以此留記耳夫喜以繫腰須臾變一赤蛇絞痛而死 果報錄

尤侗詠汗巾云羅帶雙迴垂半條 看雲草堂集

禕婦人邪交落帶繫于體者 類箝

九天元母衣霜羅九色之襦 龜山元籙

紫微王夫人着雲錦襦上丹下青文采相照

列仙傳

凝香兒侍宴於天香亭帶雲肩迎風之組

元氏掖庭記

皇后赤綬玉璽貴人綢綬金印

蔡邕獨斷

貴人綢緌綢音戈綬文也緌音列綬也

北堂書鈔

皇妃服金題白珠璫繞以翡翠爲華綬

續漢志

西王母帶靈飛大綬

漢武帝內傳

九天元母帶流蕪紫綬

元始經

九天元母著青寶神光錦繡霜羅九色之綬

金根經

和熹鄧后賜馮貴人玉赤綬

後漢書

趙飛燕爲皇后其女弟上五色文綬

西京雜記

公主貴人金印藍綬

魏武帝內詔令

魏書作藍

皇太子妃纁朱綬郡公主朱綬

晉令

皇太子納妃有絳地織成綺綬

東宮舊事

虞潭母拜武昌侯太夫人加金章紫綬

中興書

皇太后皇后長公主天子貴人赤綬四采諸國貴人

綠綬三采

中華古今注

上元夫人曳鳳文琳華之綬

真誥

玉清之母著元黃素靈之綬太極帝妃衣五色鳳文  
之綬 大有經

靈昭李夫人帶青玉色綬如世人帶韋囊狀

登真隱訣

花蓋夫人封綬與穿綸錢相似

李孝美錢譜

皇后白玉雙佩黑組大綬貴妃玉佩錦綬

宋會要

明皇后皇妃皇太妃公主命婦俱佩綬

印典

皇后綬五采黃赤白縹綠纁質間施

明史

皇后玉花采結綬以紅綠綾羅爲結玉綬花一珠雲  
龍文綬帶玉墜珠六金垂頭花瓣四小金葉六紅綾  
羅繫帶一白玉雲樣玳瑁如佩制有金鈎金如意  
雲蓋一下懸紅組五貫金方心雲板一俱銀雲龍文  
襯以紅綺下垂金長頭花四中小金鐘一末綴白玉

雲采五

明會典

瑯琊草可以染綬女紅餘志

宋徽宗宮詞綵綬華紳簪玉笋二家宮詞

孔子生有麟吐玉書于闕里徵在知神異乃以繡紋繫麟角而去至定公二十四年魯人田于大澤得麟以示夫子夫子抱麟解紋而涕泗焉素王事紀

獻帝逃竄傷趾后脫繡紋拭血刮玉釵以覆於瘡應手而愈拾遺記

皇后玉縠圭長七寸韜以黃囊金鳳文明史

西王母佩金剛靈璽漢武帝內傳

王母佩虎章西王母傳

舜在位西王母獻玉佩

尚書帝驗期

皇太后皇后皆雀鈿白玉佩

晉宋舊事

皇太子納妃有白玉佩

東宮舊事

皇太子妃佩瑜玉諸長公主珮元玉

晉令

石崇常擇美容姿相類者十人裝飾衣服大小一等使忽視不相分別常侍于側使愛婢翔風調玉以付工人爲倒龍之珮紫金爲鳳冠之釵言刻玉爲倒龍之勢鑄釵象鳳凰之冠結袖繞楹而舞晝夜相接謂之恒舞欲有所召不呼姓名悉聽珮聲視釵色玉聲輕者居前金色艷者居後以爲行次而進也

拾遺記

上元夫人曳六出火玉之佩漢武帝內傳

淑妃脩媛脩華脩容婉好珮彩瓊玉貴人珮于寘玉  
尚書舊傳

陳宮人佩玉盡畫鸞鳳南部烟花記

繪寶仙草也磨入紫龍涎畫金玉其色透入一寸宮  
人佩玉畫鸞鳳須得良工一筆誤終不可改賈子說林

周漢國公主房奩有真珠玉珮一副南渡宮禁典儀

祭山儀皇后懸玉佩遠史

皇后玉佩二各用玉珩一瑀一琚二衝牙一璜二瑤  
下垂玉花一玉滴二珠飾雲龍文描金自珩而下繫

組五貫以珠玉行副衝牙二滴與二璜相觸有聲明

與

裴知古能聽婚夕環珮之聲知其夫妻終始舊唐書

裴知古武后朝以知音直太常嘗觀人迎婦聞婦珮玉聲曰此婦不利姑是夕姑有疾亡震澤長語

繁欽定情詩何以致恩情佩玉綴羅纓玉臺新詠

鄭交甫至漢臯臺下見二女皆麗服華妝佩兩明珠大如鳩卵遊於江漢之湄交甫說之不知其神也遂與言曰願請子之佩一女解佩以贈交甫受而懷之趨去數十步視其懷空無佩願二女忽不見列仙傳



梁武帝遊女曲珠佩嫫媼戲金闕

梁武帝集

麗娟以琥珀爲佩置衣裾裏不使人知乃言骨節白

鳴洞冥記

元康中婦人之飾有五兵珮

搜神記

徐君蒨侍妾數十皆佩金翠曳羅綺服玩悉以金銀

宛委餘編

唐武后改佩魚爲佩龜以元武爲龜也

天祿識餘

新安婦人繞腰以螺蛤聯穿繫之謂之珂佩

雲南記

曹植美女篇腰佩翠琅玕

陳思王集

陳允平香奩詩雲錦珮玕璫

西麓詩藪

賀裳詞腰細常嫌珮重

紅牙集

皇后玉佩上金鈞有小綬五采以副之

明史

西王母腰佩分景之劍

漢武帝內傳

上元夫人帶流黃揮精之劍

神仙傳

齊孟姬曰妾聞妃后進退則鳴玉佩環

列女傳

晉富陽縣令王範有妾桃英殊有姿色與閣下丁豐  
史華期二人姦通範嘗出行不還帳內都督孫元弼  
聞丁豐戶內有環佩聲覘視見桃英與同被而卧元  
弼叩戶面叱之桃英卽起攬裙理鬢躡履還內元弼  
又見華期帶佩桃英麝香二人懼元弼告之乃共謗

元弼與桃英有私範不辨察遂殺元弼未幾範死妾

亦暴亡

還宛記

見問錄張妾雲屏事同

皇太后朔望三朝內外婦駢擁環珮之聲滿宮

唐書

黃帝時西王母獻白環

瑞應圖

舜攝位王母授白玉環

西王母傳

西王母白環二枚所在處外國歸服

西陽雜俎

秦昭王遣使遺齊王后玉連環曰能解此乎后引椎

椎破之謝秦使曰謹亦解矣

春秋後語

趙飛燕爲皇后其女弟上襪有五色文玉環

西京雜記

西蜀帝生公主詔乳母陳氏乳養陳氏攜幼子入宮

與公主共居常弄玉環爲戲後以宮禁逐出子以思  
公主之故疾急陳氏入宮有憂色主詰其故陳以實  
告公主憫之託幸祇廟期與子會公主入廟子方沉  
睡遂解幼時所弄玉環附之子懷而去子醒見之怨  
氣成火而廟卽焚矣

華陽國志

王才人擲玉環誤中紫窰盆缺其半菽

杜陽雜編

崔氏鶯鶯報張生書云玉環一枚是兒嬰年所弄寄  
充君子下體之珮玉取其堅潤不渝環取其終始不  
絕

會真記

季女贈賢夫以瑪瑙宛轉環丹山白水宛然在焉握

之而寢則夢入其中始入甚小漸進漸大有名山大川之勝異木竒禽宮室璀璨心有所思隨念輒見因名曰華胥寶環

真率齋筆記

周漢國公主房奩有綬玉環

南漢宮禁典儀

金人犯京師康王邢夫人從三宮北遷上皇遣曹勛歸夫人脫所御金環使內侍持付勛曰幸爲吾白太王願如此環得早相見也

女世說

皇后二玉環皆緘成十綬三色同大綬

明史

藤州婦人以青石爲環玦代珠玉也

郡國志

西王母獻舜玉玦

禮斗威儀

趙飛燕爲皇后其女弟上襪有珊瑚玦

西京雜記

齊武成召故太子百年知不免割帶玦留與妃斛律氏及見殺妃年十四把玦哀號不已月餘亦卒玦猶在手拳不可開

女世說

鞞囊小囊也盛悅巾者禮曰女鞞絲

太平御覽

鄧攸夢見一女子猛獸自後斷其鞞囊

晉書

李宸妃始入掖庭纔十餘歲惟有一弟七歲臨別手結刻絲鞞囊與之拊背泣曰汝雖淪躓無棄此囊若長門雖遠未是天涯則熒熒姊弟相訪有期當以此爲物色也及宸妃貴令院子物色得之解其鞞囊進

宸妃悲喜言而官之

東軒筆錄

后始加大號婕妤上五色同心結一盤

飛燕外傳

隋文帝以陳宣帝女爲宣華夫人有寵及寢疾召太

子入居殿中陳夫人旦出更衣爲太子所逼拒之得

免上怪其神色有異問故夫人泣然曰太子無禮俄

而帝崩夫人戰慄失色晡後太子封小金盒遣使者

送夫人夫人以爲鳩毒發之乃同心結也夫人恚而

却立不肯致謝諸宮人共逼之乃拜使者其夜太子

丞焉

經濟類編

欽山詣村舍求水舍中獨一女子爲具熟水而盞中

有同心結山諭意而藏之遂與女納昏

後山談叢

沈警過張女郎廟祀之既暮宿傳舍忽見一女子褰  
簾云張女郎仲妹見警未離坐而二女已入大女郎  
曰妾是四女郎妹適廬山夫人長男指小女郎云適  
衡山府君小子並以生日同覲大姊屬大姊層城未  
旋因欲奉屈無憚勞也遂攜手出門共登一輜軒車  
馳空而行俄至一處朱樓飛閣備極煥麗簾幌珠璣  
光照室內二女郎具酒殺共酌酒酣大女郎出門顧  
謂小女郎曰潤玉可伴沈郎寢警見小婢已施卧具  
遂掩戶就寢備極歡昵將曉小女郎起謂警曰人神



事殊無宜于晝警乃贈小女郎指環小女郎贈警金  
合歡結歌曰心纏千萬結縷結幾千回結怨無窮極  
結心終不開須臾大女郎至遂送警出

南北朝詩話

蠻女腰束花巾懸荷包

百川學海

舊唐書卷六十六

查史卷六十七

東吳王初桐子陽纂述

同里曹仁虎習巷校刊

襪履門

襪履

婦人夢得履襪必得子息履爲男韉爲女

夢書

曹操賜蔡文姬頭巾履襪

後漢書

崔彥昭與王凝外昆弟也凝先顯待彥昭甚倨彥昭憾焉後彥昭爲相凝爲兵部尚書彥昭母勅婢多製履襪曰王氏妹必與子皆逐吾姊妹恩深義當偕行

誓不分飛也彥昭遂不敢爲怨古今事類合璧

皇后及貴妃並青襪舄宋會要

皇后繚質織成青鞵舄飾以描金雲龍明會典

崇禎五年皇后千秋命婦朝賀皆青襪舄皇后青襪

青舄舄以金飾春明夢餘錄

樂女生白襪黑鞵明會典

近古婦人常以冬至日進履襪於舅姑崔浩女儀

北朝婦人常以冬至日進履襪及鞵西陽雜俎

憲聖太后喜清儉收楊花爲鞵鞵之屬山家清供

合德出入宮中衣故短繡裙小袖李文襪飛燕外傳

三代及周著角襪以帶繫於踝至魏文帝吳妃始改襪樣以羅爲之後加以綵繡畫

中華古今注

魏文帝吳妃裁縫綾羅紬絹爲襪

炙穀子

吳妃始裁縫爲襪以綾爲之

二儀實錄

薛昭蘊詞慢綰青絲髮先研吳綾襪

花間集

隋煬帝宮人織成五色立鳳朱錦襪勒

中華古今注

太真著鴛鴦並頭蓮錦袴襪上戲曰貴妃袴襪上乃真鴛鴦蓮花也太真問之上笑曰不然其間安得有此白藕乎貴妃由是名襪襪爲藕覆

致虛雜俎

楊貴妃死之日馬嵬媼得錦初襪一隻遇客一翫百

錢前後獲錢無數

記事珠

明皇作妃子所遺羅襪銘曰羅襪羅襪香塵生不絕  
細細圓圓地下得瓊鈎窄窄弓弓手中弄初月又如  
脫履露纖圓恰似同衾見時節方知清夢事非虛暗  
引相思幾時歇

翰府名談

李肇國史補注言楊妃死於馬嵬梨樹下店媪得錦  
襪一隻過客傳玩每出百金由此致富元宗遺錄又  
載高力士於妃子臨刑遺一襪取而懷之後元宗夢  
妃子云云詢力士曰妃子受禍時遺一襪汝收乎力  
士因進之元宗作妃子所遺羅襪銘曰羅襪羅襪香

塵生不絕二說不同皆言妃子有遺襪事僕始疑其  
附會因讀劉禹錫馬嵬行有曰履綦無復有文組光  
未滅不見岩畔人空見凌波襪郵童愛踪跡私手解  
鞶結傳看千萬眼縷絕香不歇乃知當時果有是事  
甚合國史補注之說

野客叢書

巴邛人家橋園有兩大橋如三斗盎剖開每橋有二  
老叟相對象戲一叟曰我輸阿母女態盈娘子路虛  
龍縞襪八緗

元性錄

婦女瓊襪後跟治心痛

壽域方

曹植洛神賦凌波微步羅襪生塵

陳思王集

杜甫麗人行古本有足下何所着紅渠羅襪穿銀  
今本亡之 野客叢書 杜詩羅襪紅渠艷

杜牧咏襪詩鈿尺裁量減四分纖纖玉筍裹輕雲五  
陵年少欺他醉笑把花前出畫裙 樊川集

韓渥詞羅襪况兼金齒苔 全芳備祖

王珪宮詞銷金羅襪鏤金環 王岐公詩集

王觀踏青詞不道吳綾繡襪香泥斜沁幾行斑 冠柳集

姜夔詞籠鞋淺出鴉頭襪 白石道人歌曲

龍輔詩背人解素襪裂斷寄郎邊 女紅餘志

鄭允端詠襪詩輕輕小鞵製香羅三寸量來不較多

蕭離集

吳偉業詩羅襪小蓮初

梅村集

秦嘉婦與嘉書曰今奉細布鞋二量

二西蔡剛

高文惠妻與夫書曰今奉織成鞋一量頗著之動與

福并

詞品

舊時婦人皆穿襪卽官娘亦著素襪而舞襪製與男子相同有底但瘦小耳自纏足之後女子所穿有弓鞋繡鞋鳳頭鞋又往往用高底遂不用有底之襪易以無底直桶名曰褶衣亦曰膝衣亦曰綾波小襪以罩其上蓋婦人多以布纏足而上口未免參差不齊



故須以褶衣覆之今稱褶衣爲膝褌也 在園雜志

彭孫適詩膝衣繡作芙蓉瓣兩朶蓮花覆玉弓 金粟

開詞

昔人以羅襪咏女子六代相承唐詩尤衆蓋唐以前  
婦人皆着襪也然今婦人纏足其上亦有半襪罩之

謂之膝褌恐古羅襪或此類 丹鉛新錄

何孟春曰膝褌者縛膝下褌脚婦女下體之佈 朱子

語錄

袴襪今俗稱膝褌 致虛閣雜俎

襪足衣今之膝褌秦檜死高宗曰朕今日始免膝褌

中帶七首矣宋時男子之襪亦稱膝褌今惟婦人稱

之男子無稱膝褌者矣 言歸

尤伺既膝褲詩開箱試取紅鸞帶

看雲草堂集

北方婦女褶衣但以片帛兜裹褲梢而結束之謂之

裹腿子

粧臺續記

綸女襪飾也王符潛夫論曰飾襪必綸

事物紺珠

七林詠美人足飾云文綦綵縹綸襪羅滕縹足衣也

滕足纏也

丹鉛續錄

殿脚女着雜錦綵粧襖子行纏鞋襪

大業雜記

雙行纏云新羅繡行纏足趺如春妍他人不言好我

獨知可憐

樂苑

羅舉妻張氏避亂遇賊解行纏自縊

沙縣志

高氏從夫避亂語夫令疾行乃解足紗自經

高郵州志

有女夭卒忽然起坐曰我王巡司也何以作婦人裝

急解其足統投于地蓋借屍回生也

觚勝

周禮后素葛履鄭注複下曰烏單下曰履

徐乾吉履儀

西王母曳丹玉之履

拾遺記

秦始皇令三妃九嬪鞞踰鳳頭履

中華古今注

秦漢前有洞主吳氏女葉限衣翠紡上衣躡金履出

遊及反遺一隻履爲洞人所得貨于陀汗國國主得

之命其左右履之足小者履減一寸乃令一國婦人

履之無稱者其輕如毛履石無聲

續西陽雜俎

秦嘉與妻徐淑書云今奉虎龍組緹履一緇

王莽所照

漢昭帝葬鈞弋夫人棺空但絲履存

列仙傳漢武故事作武帝

漢有鴛鴦履婦人冬至日上舅姑

中華古今注

魏文帝宮人段巧笑始作絲履

崔豹古今注

古詩爲焦仲卿妻作云足下躡絲履

玉臺新詠

織織絲履粲爛鮮新表以文綦綴以珠玳

初學記

陶潛閒情賦云願在絲而爲履附素足以周旋

陶淵明集

梁武帝詠盧莫愁云足下絲履五文章

古樂府

漢南陽公主學道華山後昇仙駙馬王咸追之不及

嶺上見朱履一雙取之化爲石因名其山爲公主峰

仙鑑 述異記曰潘安仁有公主峰記

交州刺史何敞夜宿鵠奔亭有女從樓下出訴曰妾  
姓燕名娥字始珠婢名致富妾與致富往傍縣賣綰  
留止此亭亭長龔壽持妾臂求淫妾不從壽卽刺妾  
及致富死合埋樓下取財物去敞問汝屍以何爲驗  
女曰妾上下著白衣青絲履猶未朽也敞發之果然  
乃捕壽置法 搜神記

秦堅婢妾韋杏絲履 鹽鐵論

婦履美者黼黻庶人妾以綠履 急就章法

東陵聖母嘗從獄中飛出遺所著履一緇 仙鑑

孝女李娥父爲鐵官冶鐵不流娥憂父刑遂投爐中  
鐵乃湧溢娥所躡雙履浮出爐上時人號曰聖姑紀聞  
池州府志曰李娥吳大帝時人

前于江陵得雜綵絲履以與家人約當着盡此履不  
得效作也魏武內戒令

晉宮人有鳳頭履又有聚雲履五朶履皆草木織成  
崔豹古今注

晉永嘉元年始用黃草爲履宮內妃御皆著之謂之  
伏鳩頭履梁天監中以綵爲之名解脫履炙鞞子

昔製履婦人圓頭男子方頭所以別男女也太康婦

人皆方頭履與男子無異 太平御覽

皇太子納妃有絳地文履一緗 東宮舊事

婢履色無過紅青 崔豹古今注

袁州銀匠姓郭年三十餘無妻有把賣姬常詣郭買  
賣釵鑲之屬姬女年十五六一夕奔郭曰願爲君妻  
郭駭之女曰妾慕君久矣適佯死母殮我棺中妾啟  
棺而出復掩之母將空棺瘞之矣不復我索也郭置  
之密室不令出入月餘母偶闕郭亡窺其室見女所  
殮紅履在焉推戶取之呼告隣里曰郭盜聞女墳郭  
歸隣里告之故大駭女曰母卒至急避之忘取履焉

遂與郭迺住潭州年餘有道人過而祝之女忽仆地

則一死屍

異聞總錄

宋宮人有重臺履

崔豹古今注

元微之夢遊春詩金蹙重臺履

侯鯖錄

齊高帝性儉素宮人皆著紫絲履

少室山房筆叢  
南史作紫皮履

劉瓛妻王氏椽壁挂履土落母床上瓛卽去妻

南齊書

梁宮人有笏頭履分柏履立鳳履五色雲霞履

古今注

大同末歐陽紇南征至長樂紇妻織白甚美一夕失

之紇大憤痛辭疾駐軍以索之逾月忽于百里外叢

篠上得其妻繡履一隻紇尤悽悼求之益堅至一山



聞笑語音東向石門有婦人數十帔服鮮澤出入其中紇問之知妻至此月餘矣今病在牀紇入視之其妻卧石榻上重茵累席珍食盈前紇隱于食廩令諸婦人俟其神返醉以酒而縛之紇持兵而入乃大白猿也刺其臍下而死搜其藏珍寶充備婦人三十輩皆絕色紇取珍寶及諸婦人以歸

白猿傳

有婢見人長數寸婢以履踐之乃是鼠婦

搜神記

隋煬帝令宮人鞞瑞鳩頭履謂之飛仙履

古今注

李仲文喪女既葬有張子長者夜夢一女顏色不常五六夕後忽然晝見衣服薰香殊絕遂爲夫婦寢息

衣皆有汚如處女焉後仲文遣婢至子長家見此女  
一隻履在子長床下婢持履歸以示仲文仲文驚愕  
遣問子長何由得亡女履子長具道本末仲文發棺  
視之女顏如生右脚有履左脚無也

搜神後記

婦人皆平頭小花草履綵帛緞成履而禁吳越高頭  
草履

唐書

馮鬼媼始得太真襪以致富其女玉飛得雀頭履一  
雙真珠飾口以薄檀爲首僅三寸玉飛奉爲至寶不  
輕示人則纏足必在貴妃之先

姚鶯尺牘

滕王極淫諸官妻美無不嘗徧詐言妃喚卽行無禮

時崔簡妻鄭氏初到王遣喚焉鄭入門王逼之鄭大  
叫左右曰王也鄭曰王豈如是必奴耳取一隻履擊  
王頭破抓面流血妃聞而出鄭氏乃得還 耳口記

眉娘將葬舉棺覺輕徹其蓋惟有繭履 仙傳拾遺

東女國女王足履索鞞 唐書

張殖善役六丁有天女着繡履繡衣冠劍侍前 仙鑑

徐知誨惡妻呂氏非嫡出刺殺之數爲厲後有僕於  
江心遇綵舟見一婦漸邇視之呂也招家人曰爲我  
謝相公我今他適矣因遺繡履及僕歸出履示知誨  
知誨熟視未終呂氏已在側 馬令義養傳

宋秘府有唐文德后遺履時命米元章圖跋

湘烟錄

周約夢登科作尉就舍得女子隻履後數歲中第爲

延州尉入廨舍果得女子隻履

後山談叢

織成洞庭君侍兒也翠襪紫綃履細瘦如指

樓君雜說

雷洞龍神所居投婦人做履觸之雷風暴發

吳船錄

江西水災豐城農夫挈其母及妻子就食他所遇小

溪密語妻曰我襁兒先渡母老不能來可棄之婦不

忍掖始以行足蹈泥漳方取履見白金爛然在水中

拾得之登岸視其夫已爲虎食矣

虎苑

蕭氏小字接蘭耶律中妻天慶中爲賊所執潛置刃

于履賊欲污之卽自殺遼史

至正己亥盜發古墓有誌石乃宋錢參政之妹諱惠  
靜封孺人破棺顏色如生口脂面澤若初傅者冠服  
鮮新亦不朽腐得金銀首飾器皿甚多至收其繡履

傳相玩弄

輟耕錄

李汾月夜見女子端正無比留宿極歡汾偷女子青  
氈履一隻女泣求不與及明視履乃豬蹄殼也

搜神記

有人宿楊氏宅夜見一青衣婦人來乃留之寢宿匿  
其所曳絲履求之不得狼狽而去取履視之則羊蹄  
也尋至宅東寺中見長生青羊雙蹄無甲贖而殺之

其怪遂絕

廣異記

程烈女聘安氏無何安氏子卒烈女摧絕顧時製履甚工也母憐而撫之曰若夫已矣何履爲烈女則刀斷所制履一日更製乃弗工人詰之烈女曰死人履而須工耶着製履雉經

書影

王寶玉小字玉兒服藕絲履僅三寸纖若鈎月輕若凌波衆相傳爲鞋杯

曲中志

楊吳時有蔡氏女年十六父母欲嫁之女因投井追至無蹤但見雙履浮水上因名龍女井

九國志

魏珠死妾張氏佯爲履移珠母尋乘間自經

朝邑志

皮三姑小名鳳仙懷繡履一雙珠嵌金綴工巧殊絕  
瓊窗閒話

景生天妻陳氏取已履與夫履並置乃繼啟禎野乘

李氏女與桑生相愛臨去贈繡履一鈎曰此妾下體

所著弄之足寄思慕然有人慎無弄也受而視之翹

翹如解結錐心甚愛悅越夕無人便出審現女飄然

忽至遂相欵昵自此每出履則女必應念而至續珠雜錄

有虎逐人其人登大樹而虎守其下忽張文忠母腹

懷文忠自母家歸天微雨憇坐虎脊上復取履在虎

皮上擦泥樹上人見之膽落已而虎去其人始下追

問張母何由坐虎脊張母曰巨石也

異識資譜

楚江花史侍兒也與幼婢小紅皆端麗明慧日侍香案王母賜以玉璫一事翠鳳履一雙

瑤宮別傳

鳳陽士人久遊不歸其妻盼切忽夢麗人間欲見即呼麗人行迅速女步履艱澁呼麗人少待將歸著履麗人自脫履借女著之行見士人

百華錄

西藏婦女脚履康番稱華鞮曰康

衛藏圖識

日本婦人赤足着缺後朱履名曰淺拖長歧

臺陽府志

木曾烏素番婦著卷皮履

衛藏圖識



五代蒲履盛行婦人亦用之劉克明詩云吳江江上

白蒲春越女初挑一樣新

雅言系述

古樂府足下金鏤履手足雙黃邪

樂苑

江總詩步步香飛金薄履

江令公集

繁欽定情詩何以消滯憂足下雙遠遊

漢魏詩集

曹植洛神賦踐遠遊之文履

曹子建集

陸機織女賦足躡刺繡之履

陸平原集

甄述美女詩足躡承雲履豐趺躡春錦

古詩紀

高允詩脚著花文履

高令公集

梁簡文帝詩履高疑上砌

梁簡文帝集

元稹詩珠瑩光文履

會真記

張先詞文鴛繡履去似風流塵不起

安陸集

陸卿子贈婢詩剪破楚山雲繪作芙蓉履

元芝集

無瑕子夜歌儂性惡芬華布履恒自著

彤管遺編

西王母納丹豹文履于穆王

拾遺記

季女贈賢夫以綠華尋仙之履製極精巧

鄉媛記

高文惠妻與夫書曰今奉織成履一兩願著之動與

福并

丹鉛新錄

月華贈楊達灑海刺二尺作履以踐霜雪應履而解  
真西沓物也因貽詩曰金刀剪紫絨與郎作輕履願

化雙仙鬼飛入深閨裏

卿媛記

龍輔製履寄外詩何物寄殷勤宮鞋綠錦文

女紅餘志

趙飛燕爲皇后其女弟上三十五物內有同心七寶

綦履

西京雜記

左思嬌女詩務躡霜雪戲重綦常累積

玉臺新詠

彭孫通美人春睡詞玉鈎微卸錦綦鞋

延露詞

王后服屨爲赤纒青絢履緣絢履飾也

周禮注

古婦人履絢纒皆畫五色

古今注

內命婦之服有絢履

唐六典

陳宮人有沉香履箱金屈膝

南部烟花記

有佑客下都經宮亭湖見二女子云可爲買兩量絲履自厚相報客至都有好絲履并箱盛之自市一書刀亦在箱中既還以箱及香置廟中而去忘取刀忽有鯉魚跳入船中破魚得刀

搜神記

梁武帝詠盧莫愁云平頭奴子擎履箱

古樂府

周禮屨人掌王及后之服屨爲素履葛屨辨外內命夫命婦之命屨功屨散屨蓋古者婦人屨與男子同也

丹鉛新錄

洪子中妻張氏病卒所遺屨在箱中其姒朱氏戲看之少頃如有物鑽刺便得病夢婦人黃衫搭帷立于

前覺而益懼設供靈几前謝過乃愈

夷堅志

有延陳先生教子弟開講前堂者適有邀先生飲主人與偕同舍子之母乘先生出詣堂以視主人之妻與焉妻置業屨於牀俄報先生至忘攜以歸主人請先生假寐爲拂牀業屨在焉枕入內以爲與先生有私礪刃欲殺之妻曰願察之果爾死未晚也夜二鼓先生方對書主人執刃與妻至軒外令妻作厚語叩門先生曰誰妻曰余某之婦欲問先生起居耳先生曰亟歸明當與而夫言之主人入內咨嘆先生初不知其情旦促裝歸主人乃謝罪請留

慎獨記

盜發楚王家得宮人玉屐

襄陽耆舊傳

趙姬在山中着金鞮屐

交州集

宋延熹中婦女始嫁作漆畫屐五色采爲系

統樓記

戴良嫁女布裳木屐

汝南先賢傳

韋生客汴陽憩于張女郎廟見二屐于乃草結成者  
文理甚細製度極妙生取以歸置屐于前而寢其屐  
忽化爲白鳥飛去

宣室志

肇慶婦人多跣足又好着木屐

肇慶府志

毛熙震詞裙遮點屐聲

花間集

晉王彪二女姊聖姑妹素姑著木屐履水而行邑人

神之沒後立祠 吳郡志

麻姑能着屐行水上 聞奇錄

丹陽縣梅姑者有道術能著屐行水上 異苑

陳氏女著屐徑上大楓樹顛顧家人曰我應爲神今  
便長去舉手辭訣于是飄聳輕越極睇乃沒 說郛

王后聲衣黑烏榆翟赤烏 三禮圖

建和元年納后后服朱烏 漢雜事秘辛

西王母履元璫鳳文之烏 漢武帝內傳

上真仙母有神雲鳳烏 龜山元錄

梅妃爲楊氏遷于上陽東宮後上憶妃夜遣小黃門

滅燭密以戲馬召妃至翠華西閣繼而上失寤侍御  
驚報曰妃子已留閣前當奈何上披衣抱妃藏夾幙  
問太真問梅精安在上曰在東宮太真大怒曰御榻  
下有婦人遺舄夜來何人侍陛下寢至于日出不視  
朝上愧甚拽衾向屏復寢曰今日有疾不可臨朝太  
真歸私第上覓妃所在已爲小黃門送令步歸東宮  
上以遺舄并翠鈿命封賜妃妃謂使者曰上棄我之  
深乎恐憐我則動肥婢情

梅妃傳

徐玉台泊舟高郵見隣船新娘乃舊曾識面之林氏  
女也見徐曰君非徐郎耶擲一鳳舄與之遽閉牕入



徐藏鳥篋中既而見林氏之弟問之林弟曰予姊於半月前死矣徐大驚啟篋視所贈鳳鳥惟紙灰而已

秋燈叢話

張平子賦金華之鳥動趾遺光

升菴外集

晚下如鳥其下晚晚而危婦人短者著之

釋名

史記貨殖傳倡優女子鳴瑟跕屣游如富貴注蹠跟爲跕漢書地理志趙地倡優女子彈絃跕蹠師古曰蹠與屣同謂小履之無跟者也跕謂輕蹠之也今人夏月以生帛爲屣其三面稍隆起惟當脚跟處正低

卽師古所指也

演繁露

倡婦鞋曰利屣史記搖修袖蹠利屣

修詞指南

左思嬌女詩動爲鑪鉏屈屣履任之適

玉臺新詠

晉永嘉中以菲爲屣宮中妃嬪皆著

復齋漫錄 炙  
較子非作絲

東昏侯每出遊宮人皆著綠絲屣

南史

響屣行則有聲吳宮製

燕州圖經

屣音繼履中薦也曰步屣曰舞屣吳王宮中有響屣

廊以板藉地西子行則有聲如今之高底鞋故名響

屣今越中諸暨男女多著木屣不分晴雨西子遺製

也梁詩畫屣重高墻當是濶頰屣繪以五采也

言錦

東昏侯潘妃以金蓮花步地曰步步生蓮花其寶屣

直千萬

升菴外集

梁臨川王蕭宏所幸江無畏服玩侔於東昏潘妃寶  
屨直千萬江本吳氏女世有國色

玉臺清照

無瑕屨墻之內皆襯沉香謂之生香屨

女紅餘志

韓渥屨子詩白羅繡屨紅托裏

韓內翰別集

石虎以女騎一千爲鹵簿皆著五紋色織成鞞

晉書載記

石虎皇后出女騎千人皆著五采靴

鄴中記

慕容熙后符氏卒慕容隆妻張氏熙之媵也美姿容  
有巧思熙將以爲符氏之殉欲以罪殺之乃毀其襪

鞞中有弊瓊遂賜死

晉書載記

北齊鄭太后徵時燃馬屎自作靴

海錄碎事

并州婦人臨汾水浣衣有乘馬人換其新靴而去婦人持故靴詣州言之州守召城外諸嫗以靴示之紹曰有乘馬人于路被賊劫奪遺此靴焉得無親屬乎一嫗哭曰兒昨着此靴向妻家如其語捕獲

北齊書

天寶中士人妻着丈夫靴衫鞞帽內外一體

中華古今注

唐代宗朝令宮人著紅錦鞞鞋

國書見開志

大歷中宮人著錦鞞鞋侍於左右

通雅

唐高宗武德以來婦人皆著綫鞋

近事會元

東坡夢神宗召入禁中宮女圍侍一紅衣女童捧紅

靴一隻命軾銘之覺而記其一聯云寒女之絲銖積

寸累天才所臨雲蒸霧起

茗溪漁隱叢話

遼皇后服有絡合縫鞞

遼史國語解一作絡縫烏鞞

妃嬪儀衛執扇宮人束帶綠鞞

金史

正統六年賜淮王也先妃靴鞋等物

賞賚考

提調女樂皂鞞歌章女樂描金牡丹花皂鞞

明會典

仲春之月妓靴化爲鞋

京師月令 客座贊語口陳 鐸京師月令俱善名狀鞞化

爲鞋更可笑也

陳寶鑰觀察青州燕坐齋中忽有小鬟奉簾入曰林

四娘見逡巡問四娘已至前發髻朱衣繡半臂風翦

鞞腰佩雙劍陳疑其仙俠揖就坐四娘曰妾故衛王  
宮嬪也早死殯于宮中今宮殿荒蕪欲假君亭舁起  
客願無疑焉陳唯唯自是每張筵初不見有賓客但  
聞笑語酬酢嘉肴旨酒不知從何至也

池北偶談

娼女溫姬慕某公子一夕冒雨而至脫足上小鞞五  
文新錦沾濡殆盡

林下偶談

單秋厓之妾溺于津門求其尸再宿乃得錦靴未脫

金環在指

瓶牘

鄭解詁謝娘扶下繡鞍來紅鞞踏殘雪

鄒溪集

秦始皇令宮人敷金泥飛頭鞋漢有伏虎頭鞋加以

錦飾曰繡鴛鴦履

古今注

永嘉中以絲爲鞋貴妃以下皆着之

多穀子

麻鞋周以麻爲之至秦以絲令宮人侍從着之至東

晉又加精好公主及宮嬪以下皆着焉

麻鞋實錄

凡娶婦之家先下絲麻鞋一靴取和諧之義

事始

開元以來婦人例著綫鞋取輕妙便於事

近事會元

章仇公鎮成都有真珠之惑或上詩以諷之云神女

初離碧玉階彤雲猶擁牡丹鞋應知子建憐羅襪顧

步褰衣拾墜釵

麗情集

陳淳祖爲賈似道之客守正爲諸客所疾內人亦惡

之一日諸姬爭寵密竊一姬鞵藏淳祖牀下意欲并  
中二人也賈入齋心疑焉夜驅此姬至齋誘之淳祖  
不答繼以大怒賈方知其無他遂勘諸姬得其情由  
是極契淳祖

警心錄

范寺丞妻美而妬范寵憚之一日范出其同事戲取  
妓鞋密置范卧具中及歸妻展衾得鞋神色沮喪泣  
怨良久乃入室闔戶自經死

盧谷閑抄

仲殊造郡中見庭下一婦人投牒立于雨中作詞云  
鳳鞵濕透立多時不言不語厭厭地

中吳紀聞

蔡伸詞鳳鞋弓小稱娉婷

友古詞



程鵬舉被虜於興元張萬戶家爲奴張以虜到宦家  
女妻之既婚之三日卽竊謂夫曰觀君之才貌非从  
在人後者何不爲去計而甘心于此乎夫疑其試已  
也訴于張張命箠之越三日復告曰君若去必可成  
大器否則終爲人奴耳夫愈疑之又訴于張張命出  
之遂粥于市人家妻臨行以所穿繡鞋一易程一履  
泣而日期執此相見矣程感悟奔歸宋以歷入官國  
朝爲陝西行省叅知政事自與妻別已三十餘年義  
其爲人未嘗再娶至是遣人攜向之鞵履往興元訪  
求之市家云此婦到吾家執作甚勤遇夜未嘗解衣

以寢每紡績達旦毅然莫可犯吾妻異之視如已女  
將半載以所成布匹償元粥錕物乞身爲尼吾妻施  
貲以成其志見居城南某巷中所遣人卽往尋見故  
遺鞵履在地尼見之詢所從來曰吾主翁程叅政使  
尋其偶耳尼出鞵履示之合亟拜曰主母也尼曰鞵  
履復全吾之願畢矣竟不再出告以叅政未嘗娶終  
不出旋報程移文本省檄興元路官爲具禮防護其  
車輿至陝西重爲夫婦

輟耕錄

明懷宗見田妃繡鞋精巧審視之有細書一行曰臣  
周延儒恭進上不悅由是薄延儒也

霜猿集

林振光妻顧氏年二十而寡父母憐其少命刺紅繡鞋遺其嫂微示之意顧氏遂絕粒以卒

莆田志

東昌卞氏有小女字臙脂才姿慧麗對戶龔姓妻王氏女之友也一日送至門見一少年過丰采甚都女目之王曰此南巷鄂秀才以娘子才貌得配若人庶可無憾女暈紅上頰數日王復來女寢疾王曰倘爲鄂郎當委冰焉且可先令夜來一聚女曰遣媒則可私約則斷斷不可王領之遂去王素與隣生宿介通是夜宿來因述女言爲笑宿久知女美聞之竊喜次夜踰垣入直達女所以指叩窗內問誰何荅以鄂生

女曰妾所以念君者爲百年不爲一夕宿姑諾之苦  
求一握纖腕爲信女不忍過拒力疾啟扉宿遽入卽  
抱求歡女無力撐拒仆地上氣息不續宿急曳之女  
曰狂暴如此必非郢郎若復爾爾便當嗚呼宿恐假  
迹敗露不敢復強捉足解其繡鞋而去旣出又投王  
所而鞋已失之以情告王徧燭竟不可得先是有毛  
大者嘗挑王氏不得知宿與洽思掩執之是夜過其  
門踏一物拾視則巾裏女鞋伏聽之聞宿自述甚悉  
踰數夕遂入女家誤詣翁舍翁窺窗見男子操刀直  
出毛奪刀殺之逃媪與女聞喧起燭之翁已絕得繡

鞋於墻下媪視之胭脂物也逼問女女哭而實告天明送于邑邑宰拘鄂酷訊誣服後濟南府吳公鞠之釋鄂拘宿宿又承招學使施公知其寃移案再鞠得毛大吐實就刑邑令爲鄂委禽送鼓吹焉

聊齋志異

薩天錫詠繡鞋云蓮花帖帖秋水擎

雁門集

沈愚詠繡鞋云南陌踏青春有跡西廂立月夜無聲

寓園雜言

一作蕪平詩人口爲蕪繡鞋

周憲王咏繡鞋云花簇香鈎淺浣塵

誠齋集

靖康中謠云喝道一聲下階齊脫了紅繡鞋後金人入汴宮人皆驅逐北行

古今風謠

元樂府朱履曲卽紅繡鞋也

詞林摘豔

宮人弓樣鞋上刺小金花

明史

崇禎五年皇后千秋宮女皆弓影鞋

春明夢餘錄

湖州一婦人顏色潔白着皂弓鞋呼僮小船既登卽  
臥自取葦席以蔽舟人舉席視之見小烏蛇數千條  
大驚復以席覆之抵岸奮而起儼然人矣

旌異記

汪德輝娶董氏女數年而亡後復娶其女兄當初夏  
多雨畏地濕偶故妹有籠鞋在笥取著之卽時右足  
一指痛俄發腫夫知鞋爲祟勸使焚之

夷堅志

盼盼瀘南妓黃山谷贈詞云脚上鞋兒四寸羅

林下詞選

周憲王元宮詞簾前三寸宮鞋露知是煥煥小姐來  
誠齋新錄

董以寧碧玉歌蓮瓣織鞋三寸楚

本事詩

袁海母病婦徐氏禱於空願進香武當以謝姑愈夫  
妻與母皆往至南巖徐言向姑危切時妾實請以軀  
代今當如約姑與夫愕然方止之宛轉已不見徐乃  
潛至飛昇臺傍投身萬仞之崖留鞵巖畔覓者見鞵  
哀慟而已俄而母與夫持香殿上遙見一人在殿下  
拜禮卽徐也駭問之徐言方隕軀而下忽若衆擁持  
之不覺已在此

祥符志

錢瑛母妻避難遇賊妻就縛擲袖中鞵與姑訣曰婦無用此矣睨姑稍遠卽罵賊不行賊殺之

明史

某士人爲某指揮西賓病寒令徒取被誤捲母鞋而出墮師牀下師徒皆不知指揮見之疑與妻通訊焉不服令婢詭以妻命邀之已持刀尾後俟啟門兩殺之師聞叩門問何事婢曰主母奉屈師怒斥之明日辭去指揮始釋然謝罪

德吉錄

殷娘夜夢牛皮上有二土及赤玉因自解之曰牛皮爲革二土爲圭是鞋字也赤朱色朱玉珠字也其當得珠鞋乎果然名髮殘囊



楊氏婦產兒後卽孀居有一外交相好甚篤未幾外  
交死魂入其室與婦共寢兒啼則魂下床匿于婦鞋  
中兒睡復來交媾如人 述異記

女鞋之製莫善於綢繡套鞋然套鞋惟宜於夏秋三  
冬及初春之鞋當於鞋頭內綴碎貂皮至鞋口而止  
若用綿則鞋頭粗 瓊環餘韻

一人嗜茶成癖方士令以女人新鞋盛茶食之食盡  
再盛一鞋如此三鞋而愈 續名醫類案

女冠王修微詞慙愧鞋兒謎沈天羽曰雖然長著地  
也有向天時此鞋兒謎也 草堂詩餘

三月三日婦女上踏青鞋履 盧公範領飾儀

毛滂詞紅羅先繡踏青鞋 東堂詞

楊基花朝美人圖詩鳳頭新繡踏青鞋 眉菴集

晉時用黃草爲鞞鞋宮內妃御皆著之 炙鞞子

草履無跟名曰鞞鞞婦女非纏足者通曳之 鞞耕錄

諫章胡文婦早寡守節足常着草鞋隣里從其夫姓

呼爲胡草鞋每自織布持至橋橋上人爭買之曰此

胡草鞋夫人布不二價者也因名草鞋橋 三餘帖

溫庭筠錦鞋賦闌裏花春雲邊月新耀粲織女之東

足嫵婉常娥之結璘碧縵湘鈎鸞尾鳳頭樓稱雅舞

履號遠游若乃金蓮東昏之潘妃寶屐臨川之江姬  
匍匐非壽陽之步妖蠱實苧蘿之施羅襪紅蕖之豔  
豐趺綺錦之奇凌波微步瞥陳王既蹀躞而容與花  
塵香跡逢石氏倏窈窕而呈姿擎箱回津驚蕭郎之  
始見李文明練恨漢后之未持重爲系曰瑤池仙子  
董雙成夜明簾額懸曲瓊將上雲而垂手顧轉盼而  
遺情願網繆于芳趾附周旋于綺楹莫悲更衣床前  
棄側聽東晞珮玉聲

漢上題襟集

李郢詩一聲歌罷劉郎醉脫取明金壓繡鞋

丹鉛要錄

王珪宮詞試穿金縷鳳頭鞋

王岐公宮詞

和凝詞叢頭鞋子紅編細

紅葉稿

王觀詞結伴踏青去好平頭鞋子小雙鸞

冠柳集

石孝友詞鴛鞋小砑紅

金谷遺音

趙長卿詞蒙金領子滿綰鞦

惜香樂府

楊无咎鞋詞端正纖柔如玉削掌上細看纔半捻巧

偷強奪嘗春酌

逃禪集

張元幹鞋詞吳綾窄藕絲重一鈎紅翠被眠時要人  
煩著懷中六幅裙窄輕風見人遮盡行蹤正是踏青

天氣憶弓弓

蘆川詞

史浩卽席覓遷哥鞋調浣溪沙云一捻鈎兒能幾何

弓弓珠蹙杏紅羅即時分惠謝奴哥香壓幽蘭蘭尚  
淺樣窺新月月仍多祇堪掌上壓瓊波

鄭峯真隱漫錄

趙貞吉美人睡起詞見郎笑匿合歡鞋

萬青閣詩餘

彭孫適繡鞋詩端妍誇女窄小泥檀郎

才情別集

朱昆田詩雙飛願作並頭鞵

笛漁小菜

賈蓬萊有謝姊惠鞵詩

彤管遺編

陳宮人卧履皆以薄玉花爲飾內散以龍腦諸香屑  
謂之塵香

南部煙花記

徐月英卧履皆以薄玉花爲飾內散以龍腦諸香屑

謂之玉香獨見鞋

采蘭雜志

夏侯審咏被中繡鞋云雲裏蟾鈞落鳳窩玉郎沉醉  
也摩挲陳王當日風流減只向波心見襪羅

升菴詩話

陸世科爲諸生時館于富家黃霉令館僮焙被館僮  
轉付使女焙之于主妾之房至晚夾帶主妾之睡鞋  
而出世科整被見之拋之帳頂後主人入館見帳頂  
妾鞋卽袖藏之更深逼妾密叩先生之門而自操刀  
隨其後世科問爲誰妾低聲應之曰妾也世科曰焉  
有昏夜而女客可見先生乎明日辭去主人深愧遂  
出鞋示之備述所以焉

果報聞見錄

張劭睡鞋云樣減銷金軟勝綿

三家詠物詩

彭孫通睡鞋詞一彎香沁半捻紅分

延露詞

陳全爲金陵妓何瓊仙題睡鞋云新紅睡鞋剛三寸

不着地偏乾淨

買愁集

北方婦女冬日著鞞鞞內皆有軟底紅綾襯鞋臨睡

脫鞞不脫襯鞋卽以爲睡鞋焉

粧臺續記

宋蔣捷詞裙鬆翠褶鞋膩紅幫幫女履墻也梁簡文

帝詩舞屐動高墻

丹鉛總錄

劉伯山女弟將嫁雷發一聲左足失履衆爲尋索得  
之戶外履幫已裂剔出紙一片有天宇滿行蓋此女

用小兒學書紙爲襯托也

夷堅志

徐渭詠織趾詞紅絨祇半索繡滿幫兒雀

櫻桃館集

朱葵尊贈伎詞淺露著鞋幫紅挾

江表載酒集

丁董俞詠足詞繡幫三寸紅鮮

玉兒詞

從來名婦人鞋曰鳳頭世人遂以金銀製鳳綴于鞋尖以實之抑知婦人趾尖妙在低而能伏使如鳳之昂首其形尚可觀乎

閑情偶寄

趙吉士詞鞋尖的的紅珠小鳳脚

萬青閣詩餘

毛先舒詞除却鞋尖似舊時餘多是今春瘦

鶯情集

梅妃侍燕上命破橙往賜諸王至漢邸潛以足躡妃履登時退闕上命連宣報言適履珠脫綴綴竟當來



从之上親往命妃妃言胸腹疾作卒不至

梅妃傳

皇后青襪舄每舄首加珠五顆

明史

女子鞋頭綴珠一粒滿足俱呈寶色

閑情偶寄

柴廷賓納妾林氏其妻金氏教之甚嚴履跟稍有摺

痕則以鐵杖擊雙彎

柳齋志異

賀裳詩攀花悄褪鞋跟

紅牙集

宣和末婦人鞋底尖以二色合成名錯到底

老學菴筆記

紫竹約方喬誓會因于墻陰之下閒履蒼苔鞋底盡

濕而方不至俄聞人語遂歸繡閣

瑯嬛記

烈女浦氏字陳毓華毓華死女剪鞋樣授妹書一火

字于底意火字爲烈也至晚投河死

敬禮野乘

子死腹中取本婦鞋底燒灰熨腹卽下

集元方

毛熙震詞緩移弓底繡羅鞋

花間集

高底鞋如重臺履

事物紺珠

女鞋用高底可謂制之盡善

聞情偶寄

高底之製前古未聞于今獨絕矣下婦人有以異香

爲底圍以青綾者有鑿花玲瓏囊以香麝行步霏霏

印香在地者

余懷鞋襪辨

女子弓鞋於鞋之後跟鏟木圓小墊高名曰高底令

足尖自高而下著地愈顯瘦小

在園雜誌

貂皮鞋必用高底使趾尖向下得其暖而不受繫束之累 瓊環餘韻

謝觀詩來索織織高底鞋 通雅

吳偉業詞半裝高屨玉臺蓮 梅村集

女子弓鞋多用高底亦有用平底者自矜足小不屑乞靈於高底也 學稼餘譚

女子睡鞋軟底 在園雜志

沈爾燦閨夜詞軟底鞋兒還扣緊 月園詞

向子謹詞並肩小語更兜鞋 酒邊詞

鄭雲娘兜上鞋兒曲云報道情郎且住待奴兜上鞋

見林下詞選

嬌婦再嫁不憑媒妁投鞋報帖爲訂

留素堂集

孫子楚想慕秀賢魂附鸚鵡飛至女室女束雙臂脫

鞋牀上鸚鵡驟下銜鞋飛回後爲夫婦

蘇林

歐陽元有舞姬脫鞋吟

圭齋集

楊廉夫於坐間見妓纏足纖小者則脫其鞋置杯其

中以行酒名曰鞋杯

雲林遺事

穀耕錄作金蓮杯

林雲鳳過朱較書樓寧館較書酒間出雙錦鞋貯杯

以進曰此所謂鞋盃也林爲賦鞋杯行

本事詩

九疑山石壇上有仙女魯妙與履跡

三洞珠囊

僊女崖有仙女鞋跡相傳仙女上昇處

賓州府志

方姓女未嫁而沒殞于荒邱有朱生者忽見美女夜入其室遂相綢繆父母察之時雨雪初霽見其子戶外有弓鞋印泥循跡至女殞處而滅遂告女父啟棺視之顏色如生焚之而崇絕

述異記

舒信道詠苔詞留得佳人蓮步痕宮樣鞋兒小

詞的